

帶經堂集卷五十七

歙門人程哲校編

新城王士禎貽上

蠶尾續詩三

南海集下

南海神祠

茫茫百粵間衆水歸扶胥下
滙波羅江日夜相灌輸
嗟我兩虎門衛此陽侯居
神宮壓滄溟潮汐在階除
我駕萬斛舟乘風但斯須
飛廉送旌麾龍伯爲前驅
百靈何蜿蜒穹龜與長魚
將命肅牲醴來格神所愉
振衣浴日亭遙見三足鳥
咫尺躡樊桐覽彼天帝都

登浴日亭

乘槎興不盡復欲帆

去

南溟夕次扶胥口朝登浴

日亭島夷紛破碎天水倒空青一望窮寥廓真看

小洞庭

使院懷幼華都諫

頃以典試使
粵亦居此院

春半炎州苦煩熱清晨初試葛衣涼懷人二月小

寒食照眼一枝紅佛桑定有新詩千首富都無寶

劍百金裝我來君去如瓜代極目天南少鴈行

與元孝翁山蒲衣方回王顧諸子集光孝寺

寺舊名虞苑
虞叻曹故宅

一鳥鳴灌木招提春雨餘偶來方外遊踪跡似閒
居清池浮水薤碧藻躍文魚輕颺散訶林葵樹交
扶疎灼灼佛桑花紅豔驚珊瑚緬追昔賢迹俯仰
懷赤烏孝廉自英雄江左盛文儒魯周閫外寄張
顧府中趨如何虞仲翔獨此悲向隅青蠅爲弔客
千載同欷歔

菩提壇

一花五葉後此樹留孤根枝條徧震旦老榦無冬
春我來瘴海遊入此甘露門秦松與漢栢瑣細皆
兒孫清池澹疎雨妙義聞風旛菩提本無樹更與

智者論

五羊觀

仙人騎五羊傳聞萃於此仙去羊獨留片石母乃是臧穀兩俱亡寢訛亦相似安得王初平重來叱之起

同庭表叟園元孝翁山蒲衣遊海幢寺遂至

海珠寺

扶胥潮未落白艷上輕艫高閣諸天外層城一水涯春江沙步雨古寺木綿花珠石中流是延緣路未賒

蒲澗寺贈范公

我來蒲澗上菖蒲方紫茸水流危石底雲出半山
中布席枕榔樹吹衣荔子風還將鐵如意日暮對
支公

濂泉寺

閑隨綠蘿去忽與碧谿逢水石微通徑煙霞獨倚
筇寺門編笏竹磴道入雲松尚憶安期子青天跨
白龍

登粵秀山

越王古臺上春暮復登臨割據無秦漢滄江自古

今風吹鼇背雨日射虎門陰欲問呼鸞道荒涼蔓
草深

歌舞岡

歌舞岡前輦路微昌華故苑想依稀劉郎去作降
王長斜日紅綿作絮飛

廣州竹枝六首

潮來濠畔

市名

接江波魚藻門邊淨綺羅兩岸畫欄

紅照水蜚船齊唱木魚歌

海珠石上柳陰濃隊隊龍舟出浪中一抹斜陽照

金碧齊將孔雀翠作船篷

梅花已近小春開
朱槿紅桃次第催
杏李枇杷都上市
玉盤三月有楊梅

佛桑花下小迴廊
曲院深深牡蠣牆
細熱海沈銀葉火
金籠倒挂試收香

鬢雲盤髻簇宮鴉
一線紅潮枕畔斜
夜半髮香人夢醒
銀絲開遍素馨花

才到花朝似夏闌
雨紗霧縠間冰紈
洋船新買紅鸚鵡
却苦羊城特地寒

詠蕃劍贈客

蕃劍來何處
知從海舶長
當軒秋水色
脫匣列星

行鋒使箴笈折神應魑魅藏倘逢暴公子櫛具有
輝光

詠長壽寺英石

石黃色如蜜珀
狀亦奇物也

愛此招提石鏗如哀玉彈晴天起雲霧遠勢出峰
巒池上潮新長

池與江
通潮汐

窓中蘚故寒悠然謝袍笏一

日百迴看

登六榕寺浮圖

舊名寶
莊嚴寺

六榕不可見地以大蘇名白社無人到蒼苔滿院
生塔窮炎海目山擁粵王城欲假南溟翼扶搖詎

上征

與諸公約遊小金山

靈峰名最古亦有妙高臺
拳石浮空闢滄波足溯
洄德雲何日去坡老記
重來更約三生話輕風
引渡杯

偽漢劉龔冢歌

紇干山雀凍欲死朱五經兒作天子
紛紛負販皆侯王山牛兔絲粵中起
中原潁洞久風塵遂使庸奴竊邊鄙
黃屋左纛歷四世坐斥洛州爲刺史
昭陽溝水流真珠論車却笑燒沈水
金銀當日錮三泉帶劍上陵嗟已矣
苦將肖像擬休屠金蠶玉魚

三十三
誰料理茂陵甲帳出人間況爾區區安足齒驪山
地市竟如何銀海茫茫同一軌

大將軍孝揚弟餞別海幢寺即席有詩賦答
元戎小隊到禪扉蹋閣攀林興不違賦似江淹頻
惜別人如楚客送將歸貝多樹下花沾席璫瑁潮
邊雨濺衣最是斑駁留不得陸郎行處正芳菲

別嵒孫元孝翁山方回

耆舊海南偏相思二十年來攀貝多樹別負荔支
天江晚饒芳草山春有杜鵑別離無限思都付
人船

羚羊峽

逆流入西江已闖高峽中何年神羊跡靈輿開鴻
濛離江挾牂牁日夜來向東怒流會端州奔湊朝
祝融萬仞束洪濤大哉造化功龍從雲雷窟黯澹
蛟鼉宮更聞溪中石價與瑤琨同當年貢天家千
指勞人工鼈行九地底下與水府通微軀一不戒
崩墜誰能窮尤物古所歎念此心忡忡

羚羊寺

古寺四月中尚有木綿花殷紅照羚羊苔蘚何紛
葩下有東江亭俯臨硯洲沙牂牁萬里來遠勢如

修蛇高峽扼其衝天險逾褒斜寺當兩峽口石徑
交哈呀紅泉尚分飛竹筧通坳窪西望端州城七
星莽周遮明當陟其巔舉手蹇匏瓜

沈佺期羚羊山寺賦云
中有紅泉分飛碧岩嶺

七星巖石室

北斗森魁杓何年化爲石散落南斗旁光芒色相
射遙填端州城七峰張幕帟崧臺屹中央晝靄仙
靈宅天帝觴百神於茲互主客巖竇鳴鼓鐘石乳
亂矛戟往往鳥獸形竒譎蕩精魄其旁兩洞天豁
豁幾年闢水聲暗澎湃時有蜿蜒跡云此龍所宮
終古雲霧積沈沈抱珠睡五嶺慳雨澤吾欲割其

雨工起鞭策坐使瀝湖盈乘流挂帆席

時旱瀝湖竭

題崧臺

石室崧臺儼畫圖百神觴罷散清都七峰處處供
人眼莫笑淹留類賈胡

上屏風巖磴道未及霄關而返

暮登扶嘯臺欲問含珠徑山月出未高羣峰忽已
暝清露滴生衣孤松偃危磴何處仰霄關雲中一
聲磬

登閱江樓二首

水自蒼梧下山將荔浦連潮增炎海漲春入夜郎

天樓閣凌空起雲峰壓座偏不因衝瘴癘誰見此
山川

七星橫北郭南抱閔江樓龍氣千山雨牂牁萬里
流島夷新市舶節鎮古交州好記須陵望他年賦
壯遊

山海經鬱水出象郡入須陵
東南卽此水也時海禁初開

端州別魏昭士因寄和公於廣州

人生如萍蓬飄轉少根蒂況復出處殊合并安可
計我夢翠微峰岩嶺在天際幽人侶猿鶴石門掩
松桂詎意萬里遊相見炎海裔世事苦匆匆傾蓋
忽分袂我攀庾嶺松君飽珠江荔阿戎共扁舟崧

臺暫流憩良會那能常宿昔紛鼓枻湏水方南下
離江復東逝中宿潮不來何由慰迢遞

三水月夜別陳閔孝程燕思

碧天月晶晶江水風蕭蕭明發一爲別孤踪千里
遙梅關稀見鴈中宿不通潮好寄相思子他時慰
寂寥

重遊飛來寺

我昨遊飛來乃自東峰始得隴復望蜀夢落西峰
裏歸棹粵江潯煙雨孤篷底菩提解迎客一笑呼
屐齒繚繞曲棧危宛與蜀道似數折得石壁萬笏

摩空起如尸如步欄神工信奇詭西巖隱飛瀑迸
罅流石髓鳥啼脩脩竹花覆濛濛水平生禽尚志
歎息吾衰矣笑問白足僧胡爲羨衣紫

黃石磯夜雨

春枕夢忽破決溜鳴篷窓驚雷碾陰峽急雨縱奔
瀧新涼卧桃笙遠夢生楓江起坐祝媪龍添波送
歸艖

大廟峽

夜泊黃石磯急雨如萬弩朝過大廟峽怪石蹲渴
虎靈祠出叢薄飛甍粲可數美人珥明璫侍者拾

翠羽春蘭與秋菊無絕此終古落帆薦溪毛蘋花
媚中渚神光乍陰陽朝雲無處所欲去更徊徘徊
榔颿飛雨

大廟峽寄黃庭表太史

自清遠至消
陽亦曰三峽

出峽復入峽舟行多苦辛青山蠻徼外黃帽越溪
濱迢遞經寒雪飄零惜好春佛桑花下酒應憶北
歸人

十五夜峽口對月寄廣州諸故人

峽口今宵月其如客思何離離見珠斗穆穆展金
波故壘餘蕭勃殘山弔尉佗蜺江猶一水相望似